

誌公禅师因果经

苏州灵岩山寺重印

宗教资料、教内发行

准印证号：苏出准字（92）第 280 号

印刷日期：一九九三年三月

印 刷：苏州印刷总厂

印 数：10000 册

梁武帝问志公禅师因果经

昔日萧衍帝。即梁武帝。心中乐善。好爱修行。礼拜志公和尚。为国师也。惟有郗氏皇后。心不信善。造业深重。死后堕落。作一蟒蛇之身。武帝得师。究竟指明。心向修行。忽日宫中夜卧不睡。起往乘凉阁乘凉。须臾之间。听得殿下啍啍之声。武帝举眼一观。只见一条蟒蛇。直至殿下。帝见失色。叹而言曰。朕宫严洁。何更有此蛇怪。只见其蛇。口作人言。告知我主不要心惊。妾今不是别怪。乃是王宫中郗氏遭贬。妾因在生。不信佛法。至今堕落。得此苦报。尚且无穴藏身。肚中饥饿。偏身鳞甲。多诸毒虫。恒抱痛苦。无有休息。只得奔投。乞赖我王。慈悲为主。悯念昔日。夫妇之情。施恩救援。吾若得脱此苦。衔环当报。不负主恩。武帝见说。魂飞魄散。闷倒龙床。良久方苏。不见蟒蛇。坐守天明。嗟叹而曰。人若不能行善。岂有超升之分。是故即发诚心。礼

拜志公和尚。启问师曰。不知我郝氏夫人。何因缘故。死后堕作蟒蛇之身。○志公答曰。此郝氏娘娘。只因心不信佛。嫉妒六宫。不敬三宝。不修片善。只说此间。便是天堂。倚福受福。不信因果。不惧罪业报应。广造无边恶业。不堪言也。所以被值日功曹。具录文簿。奏上天界。牒下冥司。依罪判断。打失人身。作一蟒蛇之报也。○帝复请曰。乞赖我师。金口究竟。云何忏悔。超度她去。禅师答曰。若要救拔超度。然当我主发心。合宫斋戒。大办斋供。延请五百高僧。启建道场。称扬佛法。我皇亲自礼拜。检寻藏典。礼忏诵经。求哀忏悔。毕竟出离苦海，超生天界也。武帝见说心生欢喜。即发诚心。合宫斋戒。依师之言。命请五百圣僧。修建道场。礼佛忏悔。圣僧检寻藏典。宣出大藏灵文十卷。号曰梁皇宝忏。帝乃诚心恳切。仗承三宝威光。接引郝氏灵魂。现出蟒蛇之迹。直至道场。坛下盘缠几匝。丑恶惊人。僧众登坛礼佛诵经。行道绕旋。果然郝氏受恩荐拔。即脱蟒蛇之体。获得天人之身。影现云端。礼谢而去。良因已竟。因果昭然。自后武帝。

又加信心。精进修行。时时不昧良因。刻刻搜寻义理。帝又复曰。已蒙指示。超拔夫人。如是观之。善恶业缘。受报好丑。如影随形。果然不昧。吾今复问。寡人今作一朝人主。未知前世。作何功德而来。请师究竟○志公答曰。我王欲问前世。修行之事。吾今不便言说。○武帝闻言，心中惭愧。又复问曰。朕今拜你为师。云何不说。弟子愿欲闻知。○志公答曰。我皇前世。是个樵夫。只因上山砍柴。遇见山间。灵坛古庙。庵宇朽烂。惟有古佛一尊。雨淋日晒。无人侍奉。汝自发起善心。将已头上箬笠一个。遮盖佛身。佛以天眼观见。有此善心。赞言善哉善哉。贫苦布施。甚为希有。汝于来世。当作上人。是故今生。得此福报也。○武帝见说。心中喜悦。自思念之。若舍这些。就得为帝。我今更作大福不难。厥后武帝。又敕圣旨。遍行天下。五里一庵。十里一寺。建立不觉日久岁深。武帝惹得大病。仍去问师。寡人今发大善。遍造庵宇。今且大兴善因。如何反加大病耶。志公答曰。汝说兴善因。我言作恶业。帝曰。我师何故说话颠倒了。已前说我舍笠盖佛。

今得帝位。是故我今发大善心。敕旨建庵。兴崇佛事。更是大福。云何说我造恶也。师曰。我王前世。舍笠盖佛。乃是无意之中。倾心布施。故得大福。你今敕行天下。广造庵宇。自己又不舍财施利。惟使天下百姓之力。但为主上造庵。以此人人受苦。个个艰辛。磨杀世人。不知几何。所以天下军民。尽皆怨叹。虽是真命天子。难当万民遭怨。故曰汝是造业人也。○武帝闻说。心中惭愧。复问师曰。吾今太子。遍身疮疥。日夜不安。未知是何缘故。师言皆因此业累及于他。帝曰。如此万望吾师。究竟寡人如何忏悔。得生福也。志公答曰。我主若要忏悔。仍然快敕圣旨。晓谕天下。即将钱粮赏给工资。自然有福。太子安康。若欲修诸善事。不得空劳众力。如用众力者。务宜赏赐工资。或是矜孤惜寡。爱老怜幼。或有僧道及贫子。来化讨者。宜当发心不得轻欺。为僧有善者。身贫道不贫。故来化引者。能令汝等。为善事故。若空慢他去。原是自己错过了也。自后你家。祖宗烦恼。香火神不安矣。武帝又问。人不修舍作福。祖宗香火神为何生烦恼。答曰。人

家祖宗或有生前未修善作福。死后久滞幽冥受苦。专望阳世。子孙为善积福。有善因相助。亦得沾恩减罪。所以子孙。不为善事者。他无所靠。故生烦恼。人家香火神。正是门丞户尉。井灶神君。土地神等。掌管人家住宅亦复爱人行善。亦可同沾善力也。○帝又问曰。僧道修行。信是好事。如何又要去化缘。○志公答曰。我佛释迦如来。有大慈大悲。愍念众生。犹如赤子。平等救度。佛在兜率天上。观见一切众生。难得人身在世。只知恩爱贪恋。但知受福。不肯作福。只知造业。不知忏悔。受尽阳命。死入幽冥。受大苦恼。无有出期。故从兜率。下降人间。托生梵王宫中。为悉达太子。弃舍皇宫。雪山修道。成等正觉。普度众生。法说四十九年。教启三百余会。教化佛门弟子。住在一方一所。且要教化一方人们。回心向善。修办前程。正是与佛掌教。所以诸佛欢喜。龙天拥护。若为出家者。游手好闲。不务究理。不肯看经念佛。不去搬柴运水。不顾常住。空消信施。辜负四恩。如此之人。罪业不轻也。若是好僧道人。早晚之中。务要勤参三昧。苦下殷

勤之心。勿起懈怠之意。看见常住淡泊。或是庵堂佛像朽坏。应当发起勇猛精进之心。募缘修整。施主钱米。不可私自受用。务要公平正直。交入常住。公使公用。乃是化缘者之功德也。古人云。难行能行。难忍能忍。方是出家之佛子。学道之好人。是以天宽地阔。男女善心者多。若不去化他。纵有钱米。无处下手作福田也。乃是僧道有过。枉在空门。为人无慈悲心。不肯引他出苦。僧道善人。化到你家。汝若悭吝不舍。是自己当面错过了也。○武帝又问有等不善僧道及俗子。不务正事。作队成群。打哄过日。冒借善事为端。提疏化缘者如何。

志公答曰。化缘者。其中有论。若是真正僧道善人。来化缘者。事因端正。不作伪事。或是创立庵宇。装塑佛像。或修桥砌路。或供佛斋僧。或建修道场。或念佛诵经。或隐关坐禅。一切公用者。其事不伪。功德难量。如或在世。懒惰过日。不务做个好人。不顾父母家乡。投入山门。依然懒惰。饮酒吃肉。愚迷邪见。不听师言。不肯屈下身心。参求明师口诀。不读经书戒律。不知

修行因果。不惧罪业报应。虽在山门。不顾常住。又不尊上礼下。不顾佛祖门风。只图自己身命之乐。又将提疏。各处化缘。冒端强化。忘因昧果。世人不能辩其真伪。见他来化。即施与他。他将施主钱米。不当重意。或将俗家。给送六亲眷属。或将结交朋友姊妹。契将为亲。邪心炽盛。求情注欲。胡作非为。污名一出。退失十方信施。败坏佛祖门风。措陷一切好人。难行好事。如此者。古德云。是地狱苗芽。是畜生群聚。是光头百姓。快脱袈裟来。快出山门去。且自做俗人。莫与我同住。又有一等俗汉。装个善人样子。冒将某处一件善事为题。各方抄化。诈人钱米。肥家润己。养子供妻。这等呆人。可悲可痛。一朝罪报。神鬼不容。已上冒端抄化者。莫言有福。带累父母。六亲眷属。同入地狱受苦无尽。自己一日命终。如犹落汤螃蟹。怎求解脱也。所以好心为善事化缘者。自然有其下落。化有钱米。自无私曲。公平正直。知因识果。成就好事。莫说招提公物。就是人分一个果子。亦不可私昧。要将供众结缘。以此公心。可学佛心也。

武帝又问人用钱米。供佛斋僧。功德如何。

志公答曰。其福甚大不可量。若人有此信心。自有无量功德。经云。供佛又礼拜。福等虚空无比量。斋僧复施衬。如同行路著脚跟。譬如耕种田园一般。春种一粒粟。秋收万颗子。然虽如是。全要后代修行人。脱俗离尘。守戒清净。剃除须发。不离道场。参求明师。访问口诀。明心见性。宏法度人。接引后来。报佛恩德。若有如是僧道。应受人间供养。所以舍财施主。要信心不退。亦莫生疑。异日有因缘。亦同得此道也。武帝又问。世间人死后。请僧道建立道场。超荐父母。未审超得超不得。志公答曰。譬如我主超度郝氏皇后一般。世人死后若有因缘。得值一个戒行僧道与他诵经礼忏。莫说一个亡魂。十个百个。亦可超得。莫说要作道场。他若肯到灵前嘱咐一声。承斯善力。即得超升。存亡两利也。又复多见世人不知因果。请那饮酒食肉道僧。来作道场。敲钹擂鼓。不以经忏为主。颠事闹热为胜。不知教人清净斋素。反更令人杀生害命。又将酒肉熏污佛坛。休言超度亡人。反与父母。增添重罪。古德

云。刀山剑树地狱。皆因杀生害命所感。经云。但结业缘。转增深重。此等道僧。自己不怕地狱。如何度得亡人。古云。欲度他人。先须度己。果然度得自己出苦海。莫道度亡一个。但是汝等上祖先亡。并及乡中。枉死鬼魂。承他善力俱获超升
叹僧偈曰

有德僧人作僧道

坚持斋戒讽经章

诚心礼佛多功德

利益存亡获吉祥

训僧颂云

手提铙钹响叮当

饮酒茹荤做法场

熏秽佛经真可惜

亡人反更获灾殃

又问。有等僧道。身穿好衣。受用好物者何故。答曰。是他前世为善。布施结缘。修来之福。经云。殷勤还自受。福报反己当。然虽如是。不可受福太过。务要知觉。早求解脱。切不可倚福受福。更要福中作福。来生复胜此人生。今若昧却前因。不勤修者。受尽前生福报。后来必竟受苦也。武帝嗟而问曰。凡为僧为道者。又复在山门中。杀牲害命。饮酒吃肉。毁谤正法。坏佛伽蓝。为非做歹损害常住者如何。志公答曰。如此

之人。乃昔日如来初成道时。有一等妖魔。嫉妒佛法。故来扰乱。即被如来束縛摧坏。心犹怀恨。要害佛法。于末法中。混入僧伦。一向信受邪师邪教。只言不用斋戒。只要心好。恣意杀生。烹煮食啖。相伴俗人。传杯饮酒。共相作乐。占住庵堂。污秽净地。自称为佛门弟子。吾谓是光头俗汉。又号魔家眷属。而今败坏佛门。死后决堕阿鼻地狱。苦不可言也。武帝又问。世人得闻佛法。微妙广大。能度生死。有欲为僧学道。超出轮回。何故幼入空门。受师恩德。不喜为僧学道。反起邪恶狼心。将山门钱米。搬去还俗。娶妻受用者。后日如何。志公答曰。此辈罪根深厚。福力浅薄。不信出家是解脱道。不知忏悔是安乐行。这等人。从畜生中来。初转人身。邪心易炽。正法难知。吾佛法门中钱米。却是海外行粮。如同官物一般。或是念经礼忏。或是布施斋僧。种种皆是佛祖。余粮功德。庇荫修行弟子养膳。三心不了。信施难消。况复搬去还俗。娶妻受用。畜发是生尾。眠妻卧铁床。有日无常到。追见老阎王。那时节。我蛇王菩萨。方才与他算数。将他

九玄七祖六亲眷属。打落无间地狱，自己魂灵。入地狱如箭。恰似秤锤落水。再无出期矣。又曰。当初有个杨和尚。是个德行好僧。在山修行。功成果满。忽日思维。云游外方。方才发足起程。就被蛇王(护法神)扯住。汝要还足绢去。杨和尚曰。我在山门。并无过犯。为何要我回绢。蛇王对曰。正是汝无过犯。是你当初在我常住。拿纸一张。包果子寄奉母亲去了。算至于今。该还绢一匹。杨和尚曰。即今天下。一切不学道者。几多胡作非为。败坏山门者。你都不去寻他。如何独来扯我。蛇王曰。他众人不学好。胡作非为。凭他自作自受。我岂不去寻他。待他阳命将尽。我不容他。铎录对算。打他地狱。受罪满足。罚出阳间。作种种畜生。偿还人之夙债。你今肯入地狱。我也不来扯你。杨和尚曰。拿纸一张。如何要还绢一匹。蛇王对曰。我昔日在灵山会上。受佛嘱咐。教我管顾山门常住之事。故我当时。对佛发大誓。愿毫茅寸草。什物诸般。凡是我山门物器。吾等尽皆掌管守护。十方信施进门有数。出门注簿。日长三分。夜长七分。一日一夜。对充利息。我发

誓愿。砖瓦成灰。吾才不管。所以算至于今。你该还我山门。一匹绢去。杨和尚。见说分明。胆碎心寒。连忙拜倒。万望宽恩。容转俗家。办来还你。蛇王赞曰。善哉善哉。快须办来。还我去。免作负恩欠债人。和尚回舍。即取纹银三两。填还常住。拜辞伽蓝。乃作一偈警诫后人

日打勤劳夜坐禅 免得伽蓝算饭钱
若不依吾言警戒 堕落地狱万千年
说偈已毕。只见云生足下。腾空而去。

蛇王菩萨复作偈曰

蛇岳灵王不可欺 威灵显应不思议
昔日灵山曾发誓 茎茅寸草尽维持
侵害山门人绝种 偷盗常住祸相随
不信但观杨和尚 拿张纸去绢还归
若不填还常住物 万劫轮回没了期

帝又问曰。有等僧道。积聚钱米广多。虽无颠倒还俗。邪淫等项。又复悭贪。不肯布施作福。后日如何。志公答曰此等僧道。与俗不异。只是与别人。坚守财宝。自己亦犯悭贪罪报。一日命尽福消。所有财宝。悉属他人。自己无分。为

僧有钱米余剩。切莫借与俗人。图他利息。自有当山伽蓝对算。日长三分。夜长七分。一日一夜。对生利息。若他填偿不了。僧道同受牵缠果报。只可修营功德。作诸善事。无罪有福也。又云吾佛门中人。切不可懒惰懈怠。放逸自恣。早晚之中。莫贪睡眠。若欲睡眠。不可脱衣。须防戒神起单不便。添香换水。钟鼓莫缺。念佛礼忏。功课勿缺。上报四恩。下资三有。如此行持。渐积阴功。终成道果。如或不信因果。不看经律。自执愚见。夸会夸能。毁谤三宝。破坏常住。轻慢师长。不识尊卑。如此之人。若不改过自新。当来必竟堕落。拔舌地狱。受苦无尽 所谓道

欲得不招无间业 莫谤如来正法轮

武帝又问。舍财宝造佛菩萨形像。功德如何。志公答曰。此乃最胜无漏功德也。大藏造像功德经云。有人能于我法末灭尽来造佛像者。于弥勒初会。皆得解脱。当知此是三十二相因。能令成佛。又优填王经云。王白佛言。作佛形像。当得何福。佛告王言。此人世世生生。不堕恶道。天上人中。受福快乐。身体金色。面貌端正。人所

爱敬。若生人中。常生帝王。大臣长者。贤善家子。豪尊富贵。若作帝王。王中特尊。若作天主。天中最胜。过无数劫。当得成佛。福虽如是。造像画像。要择其精通良匠。同起敬心。诸经集要云。若佛师造像。不具好相者。五百万世。诸根不具。第一用心。得上妙果。佛在金棺敬福经云。造像刊经。当与匠人同共发心。清净斋素。饮酒吃五辛之人。不依圣教。造佛刊经数如恒沙。其福甚少。劫烧之时。不入龙宫。不敬之罪。死入地狱。主匠无益。若肯敬心斋戒。福报无量也。

武帝又问。僧道隐关坐禅。功德如何。

志公答曰。为僧道人。坚持斋戒。福德难量。何况一心静虑坐禅。扫除杂念。离诸妄想。细观万法皆空。心中不生一念。守到功成果满。必定成佛不虚。但要个好人护法。久远坚心不退。切莫高声大叫。亦要清规细行。古人云。宁动千江水。莫动道人心。又云。若人静坐一须臾。胜造恒沙七宝塔。宝塔毕竟化为尘。一念清净成正觉。法界人天应当供养。此则名为真净福田也。如是之人者。永嘉云。四事供养敢辞劳。万两黄金亦消

得。所以舍财施主。同心合意。功德岂可称量也。武帝又问。诵经功德。福田如何。志公答曰。念经功德。不可思议。如何所说。有上中下三等。帝复问。吾师恒说。佛法平等。无有高下。如何复有三等。请为解说。志公答曰。佛法虽然平等。作福却有上中下。何以故。若人延僧到俗家。诵经者。为下品。若入山间野地。作个供寮祈福者。为中品。若往山门中作福。诵经者。为上等。所以在家为污地。山间名净土。但凡属庵堂寺观。乃伽蓝净地。诸佛神祇。常住不离是故为上也。佛经浩大。不比寻常。经筵方启。龙天拥护。邪魔闻著。合掌皈依。所以香灯供果。时时勿缺。如有欠缺。即是轻慢圣贤不敬之罪。了不可休。奉事之人。也要知因识果。不可行动粗躁。动念经者之心。古云。一动念头。如隔千里。譬如行路。失却伴侣。所以获罪非轻。或是僧道嬉笑。无有诚心。不具威仪。不信经中之理。不解经中之义。心猿乱走。意马奔驰者。是他自己有罪。不涉别人之愆。若有诚心斋戒。礼诵如法。字句清楚者。何须定要许多。但诵几卷。功德甚多。若当嬉戏。